


# 左傳摘腴


坤



漢書門			
二	八	五	二
冊	架	函	號

內閣文庫			
二	〇	五	漢
冊	二	四	書
架	十	號	類

內閣文庫			
番號	漢	2054	
冊數	2 ( 2 )		
函號	275	2	



淺草文庫

南史氏聞大史盡死

崔杼盡殺太史兄弟執簡以往古之書者必

以汗青之簡故執簡往之以書其罪聞既書矣乃還

三恪周封夏殷後又封舜後其禮轉隆示敬謂之三恪

他日吾見蔑之面而已今吾見其心矣蔑然明名 子產言

詩所謂我躬不說皇恤我後者甯子可謂不恤其後矣將可乎哉

殆必不可君子之行思其終也思其復也太叔儀言甯喜復

奕者舉棋不定不勝其耦而况置君而弗定乎甯喜已立殤公剽

為君 亦大叔儀言 瓊不得聞君之出敢聞其入遂行衛獻公出奔

大夫逆於竟者執其手而與之言道逆者自車揖之逆於門者領

之而已。搖其頭也。言衛獻公復國，驕心易生。小人之事君子也，惡之不敢遠，雖惡之不自取，踈遠好之不敢近，不輒至，褻近。

伊戾對宋平公

聲子將如晉，遇之於鄭郊，過伍舉，班荆。班布也，布荆藉地而坐，相與食而言復故。朋友世親，故共議歸楚事。

聲子答子木

雖楚有材，晉實用之。楚臣多亡在晉，賞以春夏，刑以秋冬。是以將賞為之，加膳加膳則飲賜，以酒食之餘，賜其臣下，無不饜飲。此以知其勸賞也。將刑為之不舉，不舉則徹樂，此以知其畏刑也。

聲子對子木

晉楚將平，諸侯將和，楚王是故昧於一來。昧，貪冒也。不如使逞快。

志而歸，乃易成也。夫小人之性，鄭之小人欲與楚戰者，譽於勇動於血氣之勇，奮於禍，貪於戰爭之禍，以足其性，厭其好爭之性，而求名焉者，非國家之利也。若何從之？

子產言

服美不稱，不稱其德，必以惡終，不得善終。美車何為？

叔孫豹言 慶封 叔向言

且晉楚狎主諸侯之盟也，久矣。迭，霸更主夏盟。楚人言。牀第之言，不踰闕，况在野乎？非使人之所得聞也。伯有賦鶉之賁。

賁 趙孟言

所謂不及五稔者，稔，年豐熟也。一熟謂一年，謂伯有誣君不及五年將亡。叔向言。

文子曰其餘皆教世之主也澤及教世子屨其後亡者也在上不

忘降在上位不忘降下之道天生五材民並用之廢一不可誰能去兵兵之設久矣所以威不

軌而昭文德也聖人以興予民伐罪亂人以廢身弑國亡子罕

申鮮虞來奔僕貸於野貧無資為人僕貸於魯之野

齊慶封好田而者酒與慶舍政封之子則以其內實寶物妻妾遷

於盧蒲嬰氏易內而飲酒教日國遷朝焉就盧朝封

慶封奔魯獻車於季武子美澤可以鑑鑑形屨莊叔見之曰車甚

澤人必瘁宜其亡也

慶封奔吳吳勾餘予之朱方邑聚其族焉而居之富於其舊子服

惠伯謂叔孫曰天殆富淫人慶封又富矣穆子曰善人富謂之賞

淫人富謂之殃天其殃之也其將聚而殲旃旃之也

且夫富如布帛之有幅焉幅尺為之制度使無遷也使富不可移

夫民生厚而用利於是乎正德以幅之使無黜嫚放怠謂之幅利

謂之利之幅尺利過則為敗吾不敢貪多所謂幅也晏子辭邑

松柏之下其草不殖行人子羽言

王事靡盬不遑啓處從王事無不堅固不暇跪啓居處也子履

史不絕書府無虛月晉史官不絕書魯之朝聘府庫無月不受魯

之貢賦如是可矣何必瘠魯以肥杞叔侯答晉平公

好善而不能擇人季札謂穆子

季札請觀於周樂使工爲之歌周南召南曰美哉始基之矣猶未也然勤而不怨矣王化之基未盡善猶有商紂爲之歌齊曰美哉泱泱乎大風也哉表東海者表式其太公乎國未可量度也 札言

見舞韶護者曰聖人之弘也德大而猶有慙德聖人之難也處世變之難 札言

見舞韶箭者曰德至矣哉大矣如天之無不幬也如地之無不載也雖其盛德其蔑以加於此矣 札言  
猶燕之巢于幕上言其至危 札聞孫林父鐘聲  
鄭大夫盟于伯有氏裨諶曰是盟也其與幾何不久詩曰君子屢

盟亂是用長今是長亂之道也禍未歇也必三年而後能紓解也善之代不善天命也其焉辟子產舉不踰等則位班也位次應子產知政擇善而舉則世隆也爲世所高天又除之奪伯有魄使伯有喪其精神自取滅亡子西即世將焉辟之 裨諶言

臣小人也不知紀年臣生之歲正月甲子朔四百有四十五甲子矣其季於今三之一也自甲子甲戌至癸未凡二十日故爲三分六甲之一吏走問諸朝師曠曰七十三年矣史趙曰交古亥字有二首六身下二如身是其日數也此是老人始生至今之日數也蓋以二首爲二萬六身爲六千六百六十日也士文伯曰然則二萬六千六百有六旬也四百四十五甲子合得二萬六千七百日

以其末三分六甲之一故少四十日實得二萬六千六百六十日也  
以晉國之多虞不能由吾子使吾子辱在泥塗父矣由用也泥塗  
田畝之間趙孟謂上老人

宋大災宋伯姬卒遇火不肯下堂為火焚待姆也待女師而後下  
堂不至故為火焚君子謂宋共姬女而不婦知為女之道而不知  
為婦之道女待人而後敢行婦義事也從宜以處事可也時  
姬年六十左右

其君弱植寡弱不能自存子產言陳侯

鄭伯有者酒為宮窟掘地為窟築室其中而夜飲酒擊鐘焉奏於  
地室中朝至未已家臣天明來朝而酒未已朝者曰公焉在其人

曰吾公在壑谷皆自朝布路而罷布路分散也駟帶攻之死於羊  
肆

善人國之主也且司馬令尹之偏佐而王之四體也股肱絕民  
之主去身之偏艾音魏王之體以禍其國無不祥大焉何以得免

申無宇言公子圍殺司馬蔦掩

豐卷奔晉子產請其田里三年而復之及其田里及其入焉

從政一年輿人衆人誦之曰取我衣冠而褚之畜藏取我田疇而  
伍之伍結孰殺子產吾其與之及三年又誦之曰我有子弟子產  
誨之我有田疇子產殖之子產而死誰其嗣之  
且年未盈五十而諄諄焉如八九十者弗能久矣

穆叔謂趙孟將死

太子死有母弟則立之無則立長年鈞擇賢義鈞則卜古之道也  
穆叔言立君之禮

比及葬葬襄公三易衰衰衽如故衰衽裳下也衰已三易其裳下  
復如舊衰可見嬉戲無度於是昭公十九年矣猶有童心君子是  
以知其不能終也

寇盜充斥充滿也斥見也 士文伯言

諸侯賓至甸設庭燎僕人巡宮車馬有所賓從有代巾車脂轄隸  
人牧圉各瞻其事百官之屬各展其物公不留賓而亦無廢事實  
至如歸甸甸人庭燎照庭大燭巡宮行夜也有所安處有人代役  
巾車主車之官以脂塗客之車轄不留不久留如歸私家也 子

產言晉文公時

我實不德而以隸人之垣以羸諸侯羸受也是吾罪也使士文伯  
謝不敏焉 趙文子

叔向曰辭之不可以已也如是夫子產有辭諸侯賴之若之何其  
釋辭也詩曰辭之輯矣民之協矣辭之懌矣民之莫猶定也矣其  
知之矣謂詩人知辭之有益

子產之從政也擇能而使之馮簡子能斷大事子大叔美秀而文  
公孫揮能知四方之為而辨於其大夫之族姓班位貴賤能否而  
又善為辭令裨謀能謀於野則獲謀於邑則否  
今吾子愛人則以政猶未能操刀而使割也其傷實多自傷子之

愛人傷之而已其誰敢求愛於子子於鄭國棟也棟折榱崩僑將  
 厭焉敢不盡言子有美錦不使人學製焉大官大邑身之所庇也  
 而使學者製焉其為美錦不亦多乎子皮欲使尹何為  
 人心之不同如其面焉吾豈敢謂子面如吾面乎子面不如吾面  
 吾心豈如子心抑心所謂危不安亦以告也子皮以為忠故委政  
 焉子產是以能為鄭國子皮委任之力  
 朋友攸攝攝以威儀攝佐也北宮文子引詩  
 昭公 令尹公子圍命太宰伯州犂對子羽曰君辱貶寡大夫圍謂圍將  
 使豐氏公孫段之女撫有而室圍布几筵告於莊共之廟而來也  
 野賜之城外為墀聽命是委君貶於草莽也是寡大夫不得列也

諸卿也不寧惟是又使圍蒙其先君將不得為寡君老大臣稱老  
 其蔑以復矣唯大夫圖之  
 譬如農夫是穠音標除草是藜音衰種苗雖有飢饉必有豐年  
 趙武言喻守信雖屈必伸  
 夫弗及而憂與可憂而樂與憂而弗害皆取憂之道也憂必及之  
 子羽言  
 貨以藩身藩衛 梁其蹊言  
 吾兄弟比以安比合安靖危也可使無吠危狗子皮賦野有死麕  
 之卒章舒而脫脫兮無感我悅兮無使危也吠義取君子徐以禮  
 來無使我失節而使狗驚吠故趙孟答之



美哉禹功明德遠矣微禹吾其魚乎劉夏勞趙孟於  
諺所謂老將知而老及之者劉子謂趙孟而言趙孟不復年矣不  
復見明年神怒民叛又何以年

魯以相忍為國也忍其外欲受楚戮不忍其內日中不出曾天言  
焉用之阜姓曾曰數月於外叔孫勞役一旦於是季孫相待庸何  
傷賈而欲贏而惡躡乎阜謂叔孫曰可以出矣叔孫指楹柱曰雖  
惡是其可去乎魯有季孫猶屋之有柱季孫伐莒叔孫使楚幾被

禍委禽禽鴈也納採用鴈吉不能亢身焉能亢宗亢蔽也宗族也鄭放游楚子產咨於大叔

游吉吉答之

一世無道國未艾也音刈絕也國於天地立國于天地間有與立  
焉與輔助也不教世淫弗能斃也秦鍼言秦景公

趙孟視蔭日景意衰視日景以自喻曰朝夕不相及誰能待五五  
年之久后子出而告人曰趙孟將死矣主民翫歲而愒日開去聲  
其與幾何言不能久

君子有四時一日分為四時朝以聽政晝以訪問夕以修令夜以  
安身子產言

內官不及同姓其生不殖長也美先盡矣同姓相與先美矣美極  
則盡則相生疾君子是以惡之故志曰買妾不知其姓則卜之晉

平公有姬姓之嬪御四人，生疾，故子產言及之。  
博物，君子該博事物。晉平公稱子產。

煩手淫聲，惱堙心耳，非彈之正。曰煩手，惱藏堙塞也。

秦醫和言

四蟲為蠱，穀之飛亦為蠱。在周易，女惑男，風落山，謂之蠱，皆同物。

也。物猶類也。器受虫害，謂四蟲穀積久而生飛虫，巽為長女，艮為少男，少男而說長女，非匹，皆蠱惑之象。秦醫和言

敢拜子之彌縫敝邑。彌縫，補合也。季武子拜韓宣子

子皙言

無助天為虐。天已虐已，以病無更助。天為虐。

譬如火焉，火中寒暑乃退，此其極也。能無退乎？火，大火；心星，季夏

昏中，季冬；旦中，季夏；暑退，季冬；寒退，極則必退。

子大叔告人曰：張趯有知，猶在君子之後乎？譏其不為晉諱。張趯

言晉將失諸侯，同上。

齊侯使晏嬰請繼室於晉，曰：寡君使嬰曰：寡人願事君，朝夕不倦，將奉質幣以無失時，則國家多難，是以不獲，不腆先君之適，以備內官，焜耀寡人之望，則又無祿。早世，隕命寡人失望，君若不忘先君之好，惠顧齊國，辱收寡人，徼福於太公桓公，照臨敝邑，鎮撫其社稷，則猶有先君之適。及遺姑姊妹，若而人而汝也。言常人不敢譽君，若不棄敝邑，而辱使重振擇之，以備嬪嬙，寡人之望也。韓宣子使叔向對曰：寡君之願也。寡君不能獨任其社稷之事，未有伉儷在繚紆之中，是以未敢請。君有辱命，惠莫大焉。若惠顧敝邑，撫

有晉國賜之內主豈唯寡君舉群臣實受其貶其自唐叔以下實寵嘉之

以家量貸而以公量收之山木如市如往也弗加於山價如在山

不加貴魚鹽蜃蛤弗加於海民參其力二入於公而衣食其乙公

聚朽蠹而三老凍餒國之諸市履賤踊貴踊則足者履也是時景

公繁於刑三老上壽中壽下壽

晏子言

其何日之有言不久而至

叔向言

噉音郁啉音虛去聲

君之先臣容焉臣不足以嗣之於臣侈矣且小人近市居近市井

朝夕得所求遂其求覓小人之利也敢煩里旅

景公為晏子治宅辭之而言

仁人之言其利溥哉晏子履賤踊貴之言

晏子如晉公更其宅反則成矣既拜乃毀之而為里室皆如其舊

則使宅人反之各還故室且諺曰非宅則卜唯鄰是卜二三子先

卜鄰矣違卜我毀屋是違卜不祥君子不犯非禮去儉即奢為非

禮小人不犯不祥違卜遷居為不祥古之制也吾敢違諸乎卒復

其舊宅

禮其人之急也乎伯石之汰也一為禮於晉猶荷其祿况以禮終

始乎晉侯因公孫段有禮賜州田

小人糞除先人之敝廬糞治掃除張超使謂夫叔

余髮如此種種短也余奚能為盧蒲嬰言曰彼其髮短而心

甚長其或寢處我矣子雅言

姜族弱矣而嬖將始昌陳氏二惠競爽子雅子尾皆齊惠公孫競  
 強爽明也猶可猶可為國又弱一个焉子尾死弱一偏姜其危哉  
 冬無愆陽夏無伏陰春無凄風秋無苦雨凄慘苦淫也  
 禮義不愆何恤於人言鄭子產作丘賦自言丘十六井當作馬  
 一匹牛一頭今子產別賦其田如魯之田賦  
 君子作法於涼薄也其敝猶貪作法於貪敝將如之何渾罕譏子產  
 為政者不賞私勞不罰私怨仲尼引周任言論叔孫昭子之不勞  
 不以立己為功勞  
 恥匹夫不可以無備况恥國乎楚靈王欲以韓起為闔而以羊舌  
 肸為司官以辱晉遂啓疆諫之

設机几而不倚爵盈而不飲宴有好貨殮有陪鼎入有郊勞出有  
 贈賄禮之至也遂啓疆言  
 使群臣往遺之禽以逞君心何不可之有往遺晉之禽獲以快楚  
 君之心反說何有不可甚言不可也啓疆言  
 楚靈王欲教叔向以其所不知而不能亦厚其禮叔向多知  
 能用善人民之主也晏子謂子皮  
 今君奮焉震雷馮怒虐執使臣將以釁鼓則吳知所備矣吳蹇由對楚子  
 聖哲之上明察之官忠信之長慈惠之師鄭人鑄刑書叔向使詔  
 子產言  
 民知爭端矣將棄禮而徵於書刑書錐刀之末將盡爭之同前

錐刀末喻至微細之事

於人何有人亦於女何有

宋向戌責華亥

不以田不犯田種不樵樹

不伐嘉樹為樵不採藝不採種為芻不

抽屋不強勺勺乞也

誓曰有犯命者君子廢小人降退給下劇也

舍不為暴舍止也

主不恩賓音溷患也往來如是楚公子棄疾如

晉過鄭時

封略之內何非君土食土之毛誰非君臣

茅尹無宇對楚靈王

天有十日自甲至癸凡十日

人有十等主臣公公臣大夫大夫臣

士士臣卑卑臣輿輿臣隸隸臣僚僚臣僕

主藏僕臣臺給臺下廝

役所謂十等也

無字言

祖祭道神祖祭道而後成行

雖有挈餅之知

挈餅汲者喻小智守不假器為人守器皆知不以

借人謝息為孟孫守言

寢疾疾病在寢

其父析薪其子弗克負荷

子產引古人言

楚子成章華之臺願與諸侯落之宮室始成祭之為落

其用物也弘矣其取精也多矣物權勢精爽

子產言伯有

正考父佐戴武宣三命上卿茲益共故其鼎銘云

一命而僂音縷

再命而偃於上聲三命而俯循墻而走

必莫予敢侮饅於是繫於

是以餬余口皆言儉之至其共也如是

仲尼曰能補過者君子也詩曰君子是則是效孟僖子可則效已矣

作事不時怨讟動于民則有非言之物而言石言于晉魏榆師曠言

文武成康之建母弟以蕃屏周亦其廢墜是為豈如弁髦而因以

敝之童子垂髦始冠必以弁蓋緇布冠也童子始冠既三加冠成

禮而棄其始冠緇布之冠永不復用故言因以敝之周景王使詹相伯辭于晉

我在伯父猶衣服之有冠冕木水之有本原民人之有謀主也謀

主宗族之師長伯父若裂冠毀冕拔本塞原專棄謀主雖戎狄其

何有余一人同前

文之伯也豈能改物改正朔易服色叔向言

凡有血氣皆有爭心故利不可彊不可強取思義為愈義利之本

也蘊利生孽蘊畜也孽妖害也姑使無蘊乎可以滋長晏嬰謂陳桓子

大夫之事畢矣送葬事而又命孤墳公自稱孤斬焉在衰經之中

其以嘉服見則喪禮未畢其以喪服見是重受弔也大夫將若之

何晉叔向辭諸大夫欲見新君

不自我先不自我後詩魯叔孫婁喻高彊自取禍

擇子莫如父擇臣莫如君五大金木水火土五官之長專盛過

節不在邊五細五官屬不勝任不在庭親不在外羈不在內申

無字對楚靈王

末大必折樹木末大者必折其本尾大不掉獸尾大必不運掉同前

禮無毀人以自成也

子產葬鄭簡公事

吾不為怨府昭子言我不能為季氏逐叔仲子生怨禍之聚也

析父謂子革吾子楚國之望也今與王言如響國其若之何如國

望何子革曰摩厲以須王出革以已喻鋒刃吾刃將斬矣言將以

已之鋒刃斬王之淫慝

左史倚相趨過王曰是良史也子善視之子謂子革是能讀三墳

伏羲神農黃帝之書五典少昊顓頊高辛堯舜八索八卦說九丘

九州志對曰臣嘗問焉昔穆王欲肆其心周行天下將皆必有車

轍馬跡焉祭公謀父作祈招之詩以止王心王是以獲沒於祗宮

免弑臣問其詩而不知也若問遠焉其焉能知之王曰子能乎對

曰能其詩曰祈招之悒悒音音安和貌式昭德音思我王度式如

玉堅式如金用如金之重形民之力國之用民當隨其力任如金

治之器隨器而制形而無醉飽之心過盈之心王揖而入饋不食

寢不寐數日不能自克以及於難

子產以幄幕九張行四合象宮室曰幄在上曰幕軍旅之帳也

平丘之會

况衛在君之宇下近在晉君屋宇之下 衛屠伯言

牛雖瘠饋音饋仆也於豚上其畏不死牛不畏豚之不死猶晉不

畏魯之不亡叔向言

雖獲歸骨於晉猶子則肉之猶已死枯骨而季氏再生其肉也

叔魚往見季平子

仲尼曰叔向古之遺直也治國制刑不隱於親三數叔魚之惡不為末減末薄減輕也平丘之會數其賄也以寬衛國晉不為暴歸魯季孫稱其詐也以寬魯國晉不為虐邢侯之獄言其貪也以正刑書晉不為頗

臣豈不欲吳然而前知其為人之異也多權謀有異於衆吳在蔡蔡必速飛譬如鳥焉朝吳羽翼於蔡必速強而背楚去吳所以翦其翼也費無極逐朝吳

非官府之守器也子產指玉環寡君不知子大叔子羽謂子產曰韓子亦無幾求晉國亦未可以貳晉國韓子不可偷也偷而薄之

吾子何愛於一環其以取憎於大國也

君子非無賄之難立而無令名之患子產言

宣子私覲於子產以玉與馬曰子命起舍夫玉是賜我玉而免吾死也敢不藉手以拜以玉藉手以拜賜

我高祖少皞摯之立也鳳鳥適至故紀於鳥為鳥師而鳥名鳳鳥氏歷正也鳳知天時故以名歷正之官玄鳥氏燕司分者也燕以春分來秋分去故司分伯趙氏伯勞司至者也伯勞以夏至鳴冬至止青鳥氏鶡鷄司啓者也鶡鷄以立春鳴立夏止丹鳥氏鶩雉司閉者也鶩雉以立秋來立冬去入大水而化蛋已上分至啓閉皆歷正之屬官仲尼聞之見於郊子而學之學官名之說既卒業



而告人曰吾聞之天子失官官不修其職學在四夷中國賢人又  
 不如剡子故從東夷之鄰而學之猶信今方信其言  
 天道遠人道邇非所及也幽遠者非人力所及何以知之何以逆  
 知其必然子犬叔請用瓊筭玉瓚禳火子產不聽云明日鄭火  
 之明日使野司寇各保其徵戒保所徵役之人郊人助祝史除於  
 國北禳火于玄冥水神回祿火神祈于四廊廊城也城積土陰氣  
 所聚故祈祭之以禳火之餘災書焚室記被焚之家而寬其征與  
 之材助營建三日哭君大夫三日舉哀國不市使行人告於諸侯  
 宋衛皆如是陳不救火許不弔災君子是以知陳許之先亡也  
 夫學殖也殖生長也如農之殖苗日新月盛不學將落田萊荒蕪

衰落而已 閔子馬言

楚不在諸侯矣其僅自完也以持其世而已言無遠謀也

叔孫婣言

許悼公癘五月戊辰飲天子止之藥卒天子奔晉書曰弒其君君

子曰盡心力以事君舍藥物可也藥物有毒當由醫非凡人所知

譏止 不舍藥物所以被弒君之名

鄭國不天不獲天福寡君之二三臣札瘥才多反天昏大死曰札

小疫曰瘥短折曰夭未名曰昏言相繼而死 子產言

無過亂門禍亂之家無過其門

我闔龍弗我覲也龍闔我獨何覲焉禳之則彼其室也吾無求於  
 龍龍亦無求於我乃止也龍闔于洧淵國人請為禳音詠子產弗

諺所謂室於怒念怒於室家市於色者作色於市人楚之謂矣子瑕言靈王怒吳子而執躒由

費無極言於楚子曰建與伍奢將以方城之外叛自以為猶宋鄭也齊晉又交輔之將以害楚其事集矣王信之問伍奢伍奢對曰君一過多矣謂納建妻何信於諛王執伍奢使城父司馬奮揚殺太子未至而使遣之三月太子建奔宋王召奮揚奮揚使城父人執己以至王曰言出於余口入於爾耳誰告建也對曰臣告之君王命臣曰事建如事余臣不佞不能苟貳奉初以還不忍後命故遣之既而悔之亦無及已王曰而敢來何也對曰使而失命召而不來是再奸也逃無所入王曰歸從政如他日無極曰奢之子材

若在吳必憂楚國盍以免其父召之彼仁必來不然將為患王使召之曰來吾免而父崇君尚謂其弟負尚奢長子員即子胥尚弟也曰爾適吳我將歸死吾知不逮我能死爾能報聞免父之命不可以莫之奔也親戚為戮不可以莫之報也奔死免父孝也度功而行仁也擇任而往知也知死不辟勇也父不可棄俱去為棄父名不可廢俱死為廢名爾其勉之相從為愈比之相從俱奔俱死為差勝也伍尚歸奢聞負不來曰楚君大夫其肝食乎楚人皆殺之殺奢尚父子負如吳言伐楚之利於州于吳公子光曰即闔廬是宗為戮而欲反其讎不可從也負曰彼將有他志余姑為之求士而鄙以待之乃見鱒設諸焉而耕於鄙

若有德之君其祝史薦信無愧心矣是以鬼神用饗國受其福祝  
 史與焉其所以蕃祉老壽者為信君使也其言忠信於鬼神其適  
 遇淫君其祝史薦信是言罪也其蓋失教美是矯誣也進退無辭  
 則虛以求媚是以鬼神不饗其國以禍之祝史與焉所以夫昏孤  
 疾者為暴君使也其言僭慢於鬼神晏子對景公不當  
 山林之木衡鹿守之澤之萑蒲舟鮫守之藪之薪丞麓曰薪細曰  
 烝虞候守之海之鹽蜃祈望守之縣鄙之人入從其政偏介之關  
 暴征其私晏子言專利  
 民人苦病夫婦皆詛祝有益也詛亦有損聊攝以東姑尤以西其  
 為人也多矣雖其善祝豈能勝億兆人之詛君若欲誅於祝史修

德而後可晏子言

守道不如守官君子躋之君招當往道之常非物不進官之勉仲  
 尼取虞人躋是也

和如羹焉水火醯醢鹽梅以烹魚肉燂音闡之以薪宰夫和之齊  
 之以味濟其不及以洩其過君子食之以平其心味和則心自平  
晏子對景公

聲亦如味一氣二體舞者有文武三類歌詩者有風雅頌四物雜  
 用四方之物以成樂器五聲六律七音宮商角徵羽變宮變徵八  
 風九歌以相成也清濁小大短長疾徐哀樂剛柔遲速高下出入  
 周疏以相濟也君子聽之以平其心心平德和同上

今據不然梁丘據君所謂可據亦曰可君所謂否據亦曰否若以水濟水誰能食之若琴瑟之專壹誰能聽之同之不可也如是飲酒樂公曰古而無死其樂若何晏子對曰古而無死則古之樂也君何得焉  
夫火烈民望而畏之故鮮死焉水懦弱民狎而翫之則多死焉故寬難子產言

仲尼曰善哉善子大叔之政政寬則民慢慢則糾之以猛猛則民殘殘則施之以寬寬以濟猛猛以濟寬政是以和及子產卒仲尼聞之出涕曰古之遺愛也抑人亦有言曰嫠不恤其緯嫠寡婦也織者常苦緯少今不憂其

緯之少而憂宗周之隕為將及焉游吉言

餅之罄矣惟壘之耻餅小器常稟於壘者今所受罄盡壘大器是壘為無餘故耻之王室之不寧如餅罄晉之耻也如壘耻然游吉

見范鞅言引詩

誰生厲階至今為梗沈尹戌引詩謂楚平王

哀樂而樂哀皆喪心也心之精爽是謂魂魄去之何以能久樂祁

佐謂宋元公叔孫昭子皆將死

六采畫繪之事雜用天地四方之色青與白赤與黑玄與黃皆相

次謂之六采

五章青與赤謂之文赤與白謂之章白與黑謂之黼黑與青謂之

黻五色備謂之繡 子大叔答趙簡子

昏媾姻亞妻父曰昏重婚曰媾壻父曰姻兩壻相謂曰亞

生好物也物事也事之至好者也死惡物也好物樂也歡樂之道

惡物哀也哀樂不失乃能協于天地之性是以長久

禮上下之紀所以綱紀上下天地之經緯也天地以禮而成位猶

織以經緯而成文也

故人之能自曲直以赴禮者人性之曲者自以禮弼之使就於直

直以禮弼之使曲謂之成人 以上俱子大叔言

政自之出矣隱民多取食焉隱窮困也為之徒者眾矣日入慝

作日入日冥也弗可知也眾怒不可蓄聚也蓄而弗治將蘊積而

生變蘊蓄民將生心生心同求將合與季氏同求叛君者將合其

謀君必悔之 子家子勸昭公從平子之請

公徒釋甲執冰而踞冰箭筈也無戰心也故踞敖

將求於人則先下之禮之善物也傳言魯昭公將有求於齊

天祿不再 子家子謂昭公

平子曰苟使意如得改事君所謂生死而肉骨也已死得生枯骨

復肉 瑱田去聲充耳

若以群子之靈獲保首領以沒以壽終唯是楯音便拊音附所以

藉幹者楯柎棺中笈牀也幹骸骨也請無及先君欲自貶損宋元

惟禮可以已之言陳氏之僭已止也在禮家施不及國大夫不收

公利不敢作福以收人心公曰善哉我不能矣吾今而後知禮之  
可以為國也對曰禮之可以為國也久矣與天地並有天地則禮  
義興晏子與景公言

吳使延州來季子聘于上國季札本封延陵復封州來故曰延州  
來上國即中國吳居水鄉故以中國為上國

不索何獲吳公子光引言

鱗設諸曰王可弑也僚母老子弱是無若我何欲以老弱託光  
曰我爾身也猶汝之身夏四月光伏甲於堀室而享王王使甲坐  
於道及其門門階戶席皆王親也夾之以鉞音披劍也羞者獻體  
改服於門外羞進食也獻體解衣也防奸細也執羞者坐行而入

滕行執鉞者夾承之執劍者三人夾承執羞者及體鉞及進羞者  
體以相授也以食授王光偽足疾光恐難作王黨殺己光偽足病  
入于堀室鱗設諸寘劍于魚中以進抽劍刺王鉞交於曾設諸之  
曾遂弑王設諸弑僚闔廬以其子設諸子為卿

知者除諛以自安也今子愛諛以自危也甚矣其惑也沈尹戌言  
于子常請除費無極與馭將師燕軟入聲以火燒也

甚美必有甚惡叔向之母言懲銀去聲發語之聲

昔有仍氏生女黥真上聲黑美髮為黥而甚美貌美光可以鑑髮  
膚光色可以照人名曰玄妻樂正后夔取之生伯封實有豕心貪  
恠無饜貪財恠食忿類無期謂之封豕封犬也因其名有窮后羿

滅之夔是以不祀

同上言

夫有尤物尤異足以移人苟非德義則必有禍

同上言

伯石始生

夏姬女所生子容之母子容母叔向嫂伯華妻也子容

伯華子叔向姪走謁諸姑曰長叔姒生男兄弟之妻相謂曰姒姑

視之及堂聞其聲而還曰是豺狼之聲也狼子野心豺狼之子山

野之心不可馴服非是莫喪羊舌氏矣遂弗視

在約思純處窮約思純正有守心固守之心而無淫行雖與之縣

不亦可乎成縛稱魏戊

賈辛將適祁縣見于魏子舒魏子曰辛來昔叔向適鄭黷蔑惡黷

音宗即鄭然明貌醜惡欲觀叔向觀其賢德從使之收器者而往

立於堂下一言而善當於理叔向將飲酒聞之曰必黷明也下

堂執其手以上曰昔賈大夫惡亦貌醜娶妻而美三年不言不笑

嫌其醜御以如臯為妻御以往臯澤射雉獲之其妻始笑而言賈

大夫曰才之不可以已我不能射如遂不言不笑夫今子少不颺

謂黷明顏貌少不揚顯子若無言堂下一言之善吾幾失子矣言

之不可以已也如是遂如故知今女有力於王室吾是以舉女行

乎敬之哉母墮乃力

魏子曰吾聞諸伯叔前輩伯叔行諺曰唯食忘憂吾子置食之間

二大夫闕沒女寬始食至畢之間三歎何也同辭而對曰或賜二

小人酒或人昨日偶賜不夕食今早飢甚饋之始至恐其不足是

以歎中置。至食及半，自咎曰：「豈將軍食之而有不足，是以再歎及饋之畢，願以小人之心，亦當知飽屬厭而已。屬足也，飽則厭足，不可過貪以規魏子。」獻子辭，梗陽人悟二大夫規辭不受其賂。

晉之喪事，敝邑之間。音閑先君有所助執，紼矣。紼，挽索也。禮送葬必執紼，若其不間，雖士大夫有所不獲教矣。大國之惠，亦慶其加而不計其乏。明底音旨，其情取備而已，以為禮也。游吉送晉頃公葬，因士彌牟詰云。

楚執政衆而乖，莫適任患。若為三師以肄移去聲，勞也。焉，一師至彼必皆出，彼出則歸，彼歸則出，又出一軍以撓之。楚必道敝，亟肄

以罷之，多方以誤之。聲東擊西使之迷誤既罷而後，以三軍繼之，必大克之。闔廬從之。楚于是乎始病。子胥之計，一慙之不忍而終身慙乎。子家子勸昭公與季孫歸魯身死於外

終身之耻也若艱難其身以險危大人而有名章，徹攻難之士將奔走之。若竊

邑叛君以徼大利而無名，貪冒之民將寘力焉。是以春秋書齊豹

曰盜。三叛人名 邾庶其 莒牟夷 邾黑肱 傳言

高岸為谷，深谷為陵。三后之姓，本高貴於今為庶，降為衆庶。言貴賤有時而變易也。史墨對趙簡子

定公 三代各異物

宋仲幾言



葛叔遠天天厭周德葛弘欲遷都以延其祚高子違人諸侯城成  
 周高子後期天之所壞不可支也衆之所為不可好也女寬言  
 臣展四體以率舊職猶懼不給而煩刑書若又供二徼大罪也且  
 大祝社稷之常隸也社稷不動祝不出竟官之制也君以軍行祓  
 社釁鼓祝奉以從於是乎出竟若嘉好之事君行師從卿行旅從  
 臣無事焉祝侂言  
 嘖有煩言左有忿爭之煩言敬子言  
 黃父之會夫子語我九言曰無始亂無怙富無恃寵無違同無敖  
 禮無驕能無復怒復重也不重人之怒無謀非德無犯非義游  
 吉卒趙簡子為之臨甚哀而云

困獸猶鬪况人乎

吳夫槩王言

申包胥如秦乞師曰吳為封豕長蛇以荐食上國封大也荐數也  
 虐始於楚寡君失守社稷越在草莽使下臣告急曰夷德無厭若  
 鄰於君疆場之患也逮吳之未定君其取分焉若楚之遂亡君之  
 土也若以君靈撫之撫而存之世以事君秦伯使辭焉曰寡人聞  
 命矣子姑就館將圖而告對曰寡君越在草莽未獲所伏伏猶處  
 也下臣何敢即安立依於庭牆而哭日夜不絕聲勺飲不入口七  
 日秦哀公為之賦無衣義取王于興師修我戈矛與子同仇與子  
 偕作與子偕行九頓首而坐每章三頓首故九頓秦師乃出  
 於越入吳於發聲也

季平子卒陽虎將以璵璠欽玉也君所珮仲梁懷弗與亦季氏家  
臣曰改步改玉言昭公之出意如行君事珮璵璠祭宗廟今定公  
立復臣位改君步則亦當去璵璠

大德滅小怨道也 楚昭王言

尤人而效之非禮也責人之過而做倣其所為 公叔文子言

從祀先公從順也先公閔公僖公也陽虎欲去三桓而為此盜竊

寶玉大弓寶玉夏后氏之璜大弓封父之繁弱盜謂陽虎也見魯

無人之辭也

盡容氣也定公侵齊廩丘陽虎偽不見冉猛者曰猛在此必敗猛

逐之顧而無繼偽顛虎曰云云

衛人請執牛耳盟禮尊者涖牛耳

群臣之子敢不皆負羈紼以從羈馬絡頭紼馬繮也言賤役

大夫對靈公

速駕言急速駕車而行

士兵之令士官以兵擊萊人兩君合好而裔夷之俘以兵亂之非

齊君所以命諸侯也裔不謀夏夷不亂華俘不干盟兵不偪好於

神為不祥於德為愆義於人為失禮君必不然夾谷之會孔子言

齊魯之故吾子何不聞焉事既成矣而又享之是勤執事也且犧

象不出門犧尊象尊酒器也禮器則於朝廷宗廟不可出于國門

嘉樂不野合嘉樂鍾磬也亦設於廟廷不可合於原野饗而既具

是棄禮也。若其不具，用秕稗也。秕穀不成者，稗似穀者，用秕稗君  
辱棄禮名。惡子盍圖之。夫享所以昭德也，不昭不如其已也。乃不  
果享。孔子知齊侯懷詐，謂梁丘據云云。  
與其素厲，寧為無勇。素空厲猛也。言伐小國當為無勇。如畏懼者  
以誘致之。曹滑羅言。

三折肱，知為良醫。虛病痛多者，然後深知良醫治療之法。齊高

富而能臣，能執巨禮，必免於難。上下同之，成也。驕公叔文子之子。齊高

其亡乎？富而不驕者，鮮吾唯子之見。驕而不亡者，未之有也。成必

與焉。史籀言。

於越敗吳于槁李。槁音醉。

吳伐越，越子句踐禦之，陳于槁李。句踐患吳之整也，使死士再禽

焉。再往，遺吳禽，欲使吳師亂取之。不動，使罪人三行，屬劍於頸而

辭曰：二君有治，越吳有軍旅之治，臣奸旗鼓，犯旗鼓之令，不敏於

君之行前，不敢逃刑，敢歸死，遂自剄也。師屬之目，越子因而伐之。

大敗之。靈姑浮以戈擊闔廬，闔廬傷，將指足，大指取其一履，還卒

於陘，去槁李七里。夫差使人立於庭，闔廬之子苟出入，必謂己曰：

夫差而忘越王之殺而父乎？則對曰：唯不敢忘。三年乃報越。

既定，爾婁豬求予猪也。得牡，則定。喻南子盍歸吾艾。緞音加艾。老

也。緞，牡豕也。喻宋朝蒯聵過宋野，聞此歌。

民保於信，吾以信義也。有信，然後保其身。我欲使義可信，故不必

信其言

戲陽遠不聽蒯聩引諺曰云云

邾隱公來朝子貢觀焉邾子執玉高其容仰公受玉卑其容俯子貢曰以禮觀之二君者皆有死亡焉夫禮死生存亡之體也死生存亡皆係於禮如人之有體將左右周旋進退俯仰於是乎取之朝祀喪戎於是乎觀之今正月相朝而皆不度心已亡矣嘉事不體不得其體之正何以能久高仰驕也卑俯替也驕近亂替近疾君為主其先亡乎

夏五月壬申公薨仲尼曰賜不幸言而中恐其易言故抑之以不幸是使賜多言者也過於自信而多言應上先亡葬定公雨不克襄事襄成也挈女居反

哀公

句踐能親而務施施不失人親不棄勞與我同壤而世為仇讎於是乎克而弗取將又存之遠天而長寇讎後雖悔之不可食已姬之衰也日可俟也介在蠻夷而長寇讎以是求伯必不行矣弗聽夫差不聽伍員言退而告人曰越十年生聚而十年教訓二十年之外吳其為沼乎謂宮室廢壞當為汙池也三月越及吳平從宰

語言

吳日敝於兵暴骨如莽如草生於曠野莽莽然而未見德焉天其或者正訓楚也使懼而改過禍之適吳其何日之有昔闔廬食不二味居不重席室不崇壇噐不彤鏤宮室不觀舟車不飾衣服財用擇不取費選取堅厚不尚細靡楚子西言

吳將沂江入郢，逆流曰沂。

君異於器，不可以二器。二不匱，君二多難，敢布諸大夫。  
齊悼公告陳僖子名乞。

小人慮材而言量力，而共者也。再求對孟懿子問與齊戰言所問非己材力所及。

公為與其嬖僮汪錡乘皆死，皆殞。孔子曰：能執干戈以衛社稷，可無傷也。時人疑童子當殤，故言可無傷。時魯與齊戰，右師子洩奔孟之側殿，策其馬曰：馬不追也。後我師獲甲首八十，齊人不能師而遁。

吳將伐齊，越子率其眾以朝焉。王及列士皆有饋賂，吳人皆喜，惟

子胥懼曰：是秦吳也。夫言越之養吳如人養犧牲，非愛之，將殺之。諫曰：越在我心腹之疾也，壤地同而有欲於我，欲併吳而有其土地，夫其柔服求濟其欲也，不如早從事焉。得志於齊，猶獲石田也，無所用之。越不為沼，吳其泯矣。使醫除疾而曰：必遺類焉者，必留其遺類，勿除去病根者，未之有也。弗聽。使於齊，子胥私使人至齊，屬其子於鮑氏，為王孫氏。改伍氏為王孫氏，避吳禍也。反役艾陵，役還，王聞之，使賜之以屬鏹，以死。將死曰：樹吾墓，檟檟可材也。吳其亡乎？三年，其始弱矣。盈必毀，天之道也。

鳥則擇木，木豈能擇鳥。仲尼以鳥自喻，以木喻孔文子。文子將攻太叔訪於仲尼，命駕而行云。

君子之行也。度於禮。施取於厚。施恩惠。寧過厚。事舉其中。斂從其薄。如是則以丘亦足矣。丘十六井。出戎馬一疋。牛三頭。此賦斂常法。亦可足用矣。若不度於禮而貪冒。無厭則雖以田賦。雖別田財。各為一賦。將又不足。且子季孫若欲行而法。則周公之典在。若欲苟而行。又何訪焉。仲尼言

盟所以周信也。周固也。故心以制之。玉帛以奉之。言以結之。明神以要之。寡君以為苟。有盟焉。弗可改也。已若猶可改。日盟何益。日每日也。今吾子曰必尋盟。若可尋也。亦可寒也。寒而歇之。乃不尋盟。子貢對太宰嚭

長木之斃。無不標也。國狗之瘞。無不噬也。不擇人與物。而後標擊。

噬齧之。

衛大夫公孫揮止勿往。吳召子木言。

衛侯歸。效夷言。輒學。吳人方音。子之尚幼。曰君必不免。其死於夷乎。執焉。而又說其言。從之固矣。從夷之心。固不可改矣。衛輒後卒。死于越。

肉食者無墨。今吳王有墨。國勝乎。太子死乎。墨氣色下也。言肉食

爵祿之人。無氣色下者。國勝國為敵人所勝。司馬寅言

王合諸侯。則伯帥侯。牧以見於王。伯合諸侯。則侯帥子男。以見於

伯。子服景伯對吳使

吳申叔儀乞糧於公孫。有山氏。有山魯大夫二人。舊相識。曰佩玉繁兮。言上之人服飾備也。余無所繫之。言吳王不恤下。旨酒一盛。

兮上人雖有旨酒余與褐之父睨之禍寒賤之人但得視不得飲對曰梁則無矣麤則有之若登首山以呼軍中不得出糧故教申叔儀為私隱以登首山而呼曰庚癸乎庚西方主穀癸北方主水故教使呼曰庚癸則諾有山氏素備糧食登山待其呼則諾而與之也

十四年春西狩於大野叔孫氏之車子鉏商獲麟車子微者鉏商其名以為不祥以賜虞人仲尼觀之曰麟也然後取之天或者以陳氏為斧斤既斷喪公室指齊而他人有之不可知也

仲由與齊陳瓘言

苟使我入獲國服冕乘軒三死無與

蒯瞶與渾良夫要言

衛侯輒來奔季子將入遇子羔將出曰門已閉矣季子曰吾姑至焉子羔曰弗及不踐其難季子曰食焉不辟其難子羔遂出子路入及門公孫敢門焉守門曰無入為也言輒已出無為復入季子曰是公孫也求利焉而逃其難由不然利其祿必救其患有使者出乃入曰太子焉用孔悝雖殺之必或繼之且曰太子無勇若燔臺半必舍孔叔太子聞之懼下石乞孟黶敵子路以戈擊之斷纓子路曰君子死冠不免結纓而死孔子聞衛亂曰柴也其來由也死矣

旻天不弔不憇遺一老俾屏余一人以在位罔罔余在疚如在疚病嗚呼哀哉尼父無自律我無以自為法律 哀公誅孔子子貢

曰君其不沒於魯乎夫子之言曰禮失則昏名失則愆失志為昏失所為愆愆過者必失其所生不能用死而謀之非禮也稱一人非名也天子稱一人故為失名君兩失之

宗柘柘藏主石函

勝也好復言不顧道理而求死士殆有私乎復讎之私謀復言非信也非信之正也期死自期必死非勇也子必悔之子謂子西弗從不從葉公之言召之使處吳竟為白公後作亂殺子西以袂掩

面而死慙於葉公

勝如卵余翼而長之如鳥覆翼卵而長育之子西謂勝

市南有熊宜僚者若得之可以當五百人矣乃從白公而見之與

之言說告之故以欲殺子西告辭承之以劍不動勝曰不為利諂不為威惕不洩人言以求媚者去之

葉公亦至及北門或遇之曰君胡不胄國人望君如望慈父母焉盜賊之矢若傷君是絕民望也若之何不胄乃胄而進又遇一人曰君胡胄國人望君如望歲焉日日以幾若見君面是得艾也得艾安民知不死其亦夫有奮心猶將旌君以徇於國而又掩面以絕民望不亦甚乎乃免胄而進時白公作亂見葉公得民心良夫乘衷甸兩牡衷甸一轅卿車兩牡馬也

溺人必笑吳王自喻所問不急猶溺人不知所為而反笑吾將有問也史黯何以得為君子史黯即晉太史蔡墨也嘗云不及四十



年越必有吳吳王感其言故問其人對曰楚隆答黯也進不見惡

退無謗言王曰宜哉宜其為君子也

寡君欲徼福於周公願乞靈於臧氏晉來魯乞師

萊章曰齊大夫君卑政暴往歲克敵今又勝都天奉多矣天之奉

晉亦已多矣又焉能進是變言也變過也是過謬不信之言也音

乖去聲役將班矣晉師乃還籛臧石牛太史謝之曰以寡君之在

行軍行牢禮不度不如法度敢展謝之展陳也

公至自越季康子孟武伯逆於五梧郭重僕見二子曰惡言多矣

君請盡之欲使公盡極以觀之公宴於五梧武伯為祝惡郭重曰

何肥也季孫曰請飲彘也武伯名以魯國之密邇仇讎臣是以不

獲從君克免於大行又謂重也肥言重隨君遠行劬勞不宜稱肥

公曰是食言多矣以激三桓之數食言能無肥乎飲酒不樂公與

大夫始有惡

成子衣製杖戈製雨衣也陳成子衣雨衣杖戈

多陵人者皆不在不在位陳成子怒智伯瑄

君子之謀也始衷終皆舉之而後入焉入而行之所謂君子三思

今我三不知始中終三者皆不能知而入之不亦難乎悔其言不

可復荀寅

左傳摘腴終

終



